



MØTEINNKALLING BYGDEUTVIKLINGSUTVALET

Møtedato: 26.05.2020
Møtested: Fjernmøte
Møtetid: 10:00 - 12:30

Eventuelle forfall / melding om møtande varamedlem må meldast på [møteportalen](#) eller til Lin Tove Thomassen epost lin.tove.thomassen@vaksdal.kommune.no

Møtet vert gjennomført som eit fjernmøte.

ORIENTERINGAR

- Fast orientering frå rådmannen
- Landbruksrådgjevar Tore Henrik Øye orienterer om Landbruksfondet saman med Arne Normann.

DRØFTINGAR

- Evaluering første halvår i utval for bygdeutvikling.
- Planlegging av synfaringar/rundtur for utvalet.

SAKSLISTE

SAKSNR	TITTEL
09/2020	GODKJENNING AV INNKALLING OG SAKSLISTE
10/2020	GODKJENNING AV MØTEPROTOKOLL
11/2020	RETNINGSLINJER FOR TILSKOT TIL BYGDEUTVIKLING
12/2020	TILDELING AV TILSKOT TIL TILTAK MOT ARTEN SKOGBRUNSNIGLE I 2020 - FELLESAKSJON VAKSDAL, STANGHELLE OG DALE.

18. mai 2020

Edvin Hesjedal
Leiar



SAKSPAPIR

Saksnr	Utval	Type	Dato
09/2020	Bygdeutviklingsutvalet	PS	26.05.2020

Sakshandsamar	Arkiv	ArkivsakID
Lin Tove Thomassen	FE-033	20/571

GODKJENNING AV INNKALLING OG SAKSLISTE

Rådmannen sitt framlegg til vedtak:

Innkalling og saksliste vert godkjent.



SAKSPAPIR

Saksnr	Utval	Type	Dato
10/2020	Bygdeutviklingsutvalet	PS	26.05.2020

Sakshandsamar	Arkiv	ArkivsakID
Lin Tove Thomassen	FE-033	20/571

GODKJENNING AV MØTEPROTOKOLL

Vedlegg:

Protokoll - Bygdeutviklingsutvalet - 28.04.2020

Rådmannen sitt framlegg til vedtak:

Protokollen vert godkjent slik han ligg føre.



MØTEPROTOKOLL

BYGDEUTVIKLINGSUTVALET

Møtedato: 28.04.2020
Møtestad: Heradshuset, Dale
Møtetid: 10:00 - 13:00

Møtet vert gjennomført som eit fjernmøte.

DRØFTINGSMØTE

Møtetida er utvida og i hovudsak sett av til drøfting av retningslinjer for stønadsordning.

Møtedeltakarar:

Medlemmer	Parti	Rolle
Edvin Hesjedal	H	Utdvalsleiar
Line Eide Vik	SP	Nestleiar
Mona Grenasberg	SV	Medlem
Ståle Kallestad Hesjedal	AP	Medlem
Arne Normann	KRF	Medlem

Andre møtande:

Rådmann Atle Fasteland,
Kommunalsjef samfunnsutvikling Helge Berset,
Politisk sekretær Lin Tove Thomassen

Saksliste

SAKSNR	TITTEL
06/2020	GODKJENNING AV INNKALLING OG SAKSLISTE
07/2020	GODKJENNING AV MØTEPROTOKOLL
08/2020	RETNINGSLINER FOR KOMMUNAL STØNAD TIL AKTIVITETAR OG TILTAK - DRØFTINGSSAK



06/2020: GODKJENNING AV INNKALLING OG SAKSLISTE

Rådmannen sitt framlegg til vedtak:

Innkalling og saksliste vert godkjent.

Bygdeutviklingsutvalet 28.04.2020

Behandling:

Med heimel i mellombels forskrift for gjennomføring av fjernmøter i folkevalde organ, § 2, vart kommunestyremøtet gjennomført som eit fjernmøte.

Samrøystes vedteke.

BYG - sak 06/2020 Vedtak/Tilråding:

Innkalling og saksliste vert godkjent.

07/2020: GODKJENNING AV MØTEPROTOKOLL

Rådmannen sitt framlegg til vedtak:

Protokollen vert godkjent slik han ligg føre.

Bygdeutviklingsutvalet 28.04.2020

Behandling:

Samrøystes vedteke.

BYG - sak 07/2020 Vedtak/Tilråding:

Protokollen vert godkjent slik han ligg føre.

08/2020: RETNINGSLINER FOR KOMMUNAL STØNAD TIL AKTIVITETAR OG TILTAK - DRØFTINGSSAK

.

Bygdeutviklingsutvalet 28.04.2020



Behandling:

Utval for bygdeutvikling drøfta saka og sette opp punkt som utgangspunkt for nye retninglinjer.

Utvalet ber rådmannen legge fram sak om retningslinjer for tilskotsordning til handsaming i neste utvalsmøte.

Utvalsmedlemmene samtykka til at dei utarbeida punkta i møtet, kan vere eit utgangspunkt for vidare arbeid med å fastsetje retningslinjene.

BYG - sak 08/2020 Vedtak/Tilråding:



Spørsmål frå medlemmene i utvalet

Ståle Kallestad Hesjedal (AP) stilte spørsmål knytt til at publikum fekk uttale seg i utval for bygdeutvikling til ei sak som var sett på sakskartet.
Rådmannen svara i møtet.

Edvin Hesjedal (H) stilte spørsmål knytt til interesser frå firma om å kjøpe tomtar på Dalegården.
Rådmannen svara i møtet.

Arne Normann (KRF) spurte om det vart opna for synfaringar, runddturar i neste møte. Dersom nye retningslinjer i samband med koronasituasjonen opnar opp for synfaringar, ønskjer utvalet at det vert gjennomført synfaringar i neste møte.

Rådmannen svara i møtet

Gjennomgang Landbruksfondet

I samband med at det i førre møte vart sett opp tid til gjennomgang av Landbruksfondet i kommunen, ba utvalet om at Landbruksrådgjevar Tore Henrik Øye vert invitert for å halda gjennomgangen i neste møte.



SAKSPAPIR

Saksnr	Utval	Type	Dato
11/2020	Bygdeutviklingsutvalet	PS	26.05.2020

Sakshandsamar	Arkiv	ArkivsakID
Helge Berset		20/638

RETNINGSLINJER FOR TILSKOT TIL BYGDEUTVIKLING

Vedlegg:

BU retningslinjer (002)

Rådmannen sitt framlegg til vedtak:

Bygdeutviklingsutvalet godkjenner vedlagde «Retningslinjer for tilskot til bygdeutvikling». Tilskotsordninga trer i kraft frå vedtaksdato.

Saksopplysningar:

I vedtak 96/2019 løyvde kommunestyret 500 000 til ny tilskotsordning som skal støtte opp om og bidra til utvikling i heile kommunen.

Bygdeutviklingsutvalet fekk tildelt avgjerdsmynde for søknader til tilskotsordninga og i oppdrag å utarbeide retningslinjer for bruk av midlane.

I utvalsmøte, sak 08/2020 utarbeidde bygdeutviklingsutvalet eit utkast til retningslinjer. Med utgangspunkt i utvalet sitt utkast til retningslinjer, legg rådmannen fram forslag til «Retningslinjer for tilskot til bygdeutvikling».

RETNINGSLINER FOR TILDELING AV MIDLAR FRÅ BYGDEUTVIKLING

Løyvingar i BU

- Løyving av tilskot til søknader med søknadssum under 15 000 kr kan skje i kvart møte
- Løyving av tilskot til søknader over 15 000 kr skjer to gongar i året.
- Ikkje tak for tildeling, men prosent av søknadssum?
- Minimum søknadssum for løyving er kr 5 000.

Kva kan det søkjast om midlar til?

Midlane skal tildelast allmennyttige føremål, stimulera til aktivitet i bygdene, levande bygdeliv. Midlane skal koma mange til gode, skape trivsel, aktivitet og vere ope og tilgjengeleg for alle (gratis?).

- Stønad til konkrete prosjekt/tiltak/aktivitet og ikkje til generell drift.
- Varige, permanente prosjekt og til hjelp i tunge fasar.
- Materiell, utstyr, opprusting til ulike prosjekt, stader.
- Stønad til kurs og kompetanseutvikling
- Midlane kan løyvast i tillegg til andre søknadsordningar, som til dømes tildeling av spelemidlar m.m.

Løyvinga vert gjeve som ein eingongssum. Kommunen pliktar ikkje å støtte tiltaket med vidare vedlikehaldskostnader.

Det vert ikkje gjeve stønad til enkeltarrangement.

KVEN KAN SØKJE MIDLAR

- Frivillige lag og organisasjonar
- Private
- Verksemder

BU ønskjer å opne opp for at både private og bedrifter kan søkja, dersom søknaden innfrir i kriteria om kva det kan søkjast midlar til. Kven som får søke vil bli revidert av bygdeutviklingsutvalet i januar 2021.

KRITERIAR FOR TILDELING

- Geografisk spreiding ved fordeling av midlar når det er mogleg.
- Prioritere bygder som ikkje har fått tildeling tidlegare
- Søknadene vert vekta ut frå kriteria for løyvingar.

Utvalet vil ta omsyn til geografi og målgruppe ved tildeling av tilskot ved løyvingar som vert gjort to gongar i året.

KRAV TIL ALLE SØKNADAR

Søknad og dokumentasjon

- Søknad skal sendast til post@vaksdal.kommune.no
- Søknad må merkast – Søknad bygdeutviklingsutvalet
- Krav om (enkelt) budsjett og anna dokumentasjon.
- Plan for evt. vedlikehaldskostnader må søkjar legge ved.
- Dokumentasjon på eigeninnsats.
- Kva tiltaket gjeld
- Kven som har ansvar for tiltaket
- Budsjett og finansiering

Krav til sakshandsaming / saksutgreiing

Krav til ordinær sakshandsaming etter kommunelova. Søknadane vert handsama i tråd med retningslinene - utvalet får så saka til avgjerd.

Utbetaling

Lag/organisasjonar (med org.nr), med plan for gjennomføring og budsjett kan det (del)utbetalast i forkant.

Privatpersonar - på bakgrunn av dokumentasjon og kvitteringar i etterkant av tiltaket/aktiviteten.

For alle som får tildelt midlar, må dokumentasjon på tiltaket sendast inn innan tre veker etter at det er fullført.



SAKSPAPIR

Saksnr	Utval	Type	Dato
12/2020	Bygdeutviklingsutvalet	PS	26.05.2020

Sakshandsamar	Arkiv	ArkivsakID
Tore Henrik Øye	FA-V35	17/638

TILDELING AV TILSKOT TIL TILTAK MOT ARTEN SKOGBRUNSNIGLE I 2020 - FELLESAKSJON VAKSDAL, STANGHELLE OG DALE.

Vedlegg:

søknad nemaslug 2020

søknad nemaslug 2020

Søknad om Nemaslug for utdeling

Søknad om Nemaslug for utdeling

Rådmannen sitt framlegg til vedtak:

Rådmannen legg fram to alternative framlegg til vedtak.

ALTERNATIV 1

Bygdeutviklingsutvalet i Vaksdal kommune løyver kr. 15 000,- til innkjøp av Nemaslug i samband med fellesaksjonen mot utbreiing av arten skogbrunsnigle på Vaksdal, Stanghelle og Dale, sommaren 2020.

Løyvinga tek utgangspunkt i «Retningslinjer for Bygdeutvalet», og tilskotet vert løyvd til Vaksdal Hagelag, med samarbeidpartar.

Løyvd tilskot vert betalt ut på bakgrunn av dokumenterte utgifter (kopi av faktura). Tilskotsmottakar kan oppgje Vaksdal kommune som fakturamottakar for beløp inntil den løyvde summen.

ALTERNATIV 2

Med bakgrunn i «Retningslinjer for Bygdeutvalet», tek utvalet stilling til løyving av kr. 28 000,- til fellesaksjonen mot utbreiing av arten skogbrunsnigle på Vaksdal, Stanghelle og Dale i 2020, i samband med tildelingsmøte hausten 2020.

Saksopplysingar:

Samandrag/konklusjon (kort om saka)

Vaksdal Hagelag, med samarbeidspartar, søker Vaksdal kommune om kr. 28 000,- i tilskot til å gjennomføre felles aksjon mot arten skogbrunsnigle i bygdene Vaksdal, Stanghelle og Dale. Aksjonen vert den tredje i rekka, og kommunen har løyd kr. 23 000,- i årleg tilskot til tiltaket i 2018 og 2019.

Søknaden vert lagt fram for Bygdeutvalet til handsaming, og rådmannen innstiller på å løyve midlar til aksjonen etter to alternative framlegg, jamfør framlegg til vedtak.

Bakgrunn for saka

Utbreiinga av arten skogbrunsnigle, og skadane den gjer, er til stor plage for hageeigarar på Vaksdal, Stanghelle og Dale. I dette høve vart det fremja ein interpellasjon i kommunestyret i 2017, om kommunen si deltaking for å avgrense problema som arten skapar. Det vart vedteke å avsetje midlar til tiltak for eitt år. Ut frå dette fekk Vaksdal Hagelag tildelt kr. 23 000,- til å gjennomføre tiltak i dei nemnde bygdene i 2018, i samarbeid med Stanghelle Vellag og Holhovdens Venner. På bakgrunn av ny søknad, vart same tilskotssum også løyvd i 2019. Midlane er nytta til innkjøp av Nemaslug (biologisk middel), og delt ut til hageeigarar for utlegging i eigen hage.

Vaksdal Hagelag, med samarbeidspartar, har no søkt om kr. 28 000,- i tilskot til innkjøp av Nemaslug i 2020, jf, søknad 07.05.20. Året aksjon representerer den tredje i rekka for felles, organisert innsats mot skadane frå skogbrunsniglen. Søknaden vert i dette høve lagt fram for Bygdeutvalet til handsaming.

Årsaken til at søknadsbeløpet er høgare enn tidlegare år, er prisauke på Nemaslug.

Det går fram av søknaden at vesentleg dugnadsinnsats ligg til grunn for organisering og gjennomføring av aksjonen, som vil skje på same vis som i 2018 og -19 (felles aksjonsdag). Arrangørane har delteke med eigenfinansiering ved tidlegare høve.

Arrangørane trekk fram kor viktig det er å gjennomføre aksjonen/tiltaket over fleire år.

Formelt grunnlag

Retningslinjer for Bygdeutvalet, under føresetnadar av vedtak på møte 26.05.20:

- Løyving av tilskot til søknader med søknadsum under 15 000 kan skje i kvart møte.
- Løyving av tilskot til søknader over 15 000/20 000 skjer to gongar i året.

Vurdering og konsekvensar

Aksjonen mot skogbrunsniglen uttrykker stor, felles innsats for å hindre skadar som arten gjer, for å ta vare på trivnaden i hagen/bumiljøet. Tidlegare aksjonar er gjennomført på ei god måte, og har skapt lokal engasjement, med god oppslutnad. I dette høve ser rådmannen verdien av den ålmenne nytten som fellestiltaket gjev.

Kommunen må vurdere grunnlaget for kommunale løyvingar til private initiativ og tiltak, ut frå føremål, tilgjengelege midlar og kva som er naturleg/relevant å støtte økonomisk. Ut frå tidlegare

års løyvingar, og karakteren på tiltaket, gjer rådmannen framlegg om å løyve midlar til fellesaksjonen i 2020, innanfor Bygdeutvalet sine økonomiske rammer. Ein viss grad av eigenfinansering, vert sett på som tenleg.

Rådmannen ser verdien av medverknad over fleire år, og meiner i dette høvet at tre år dannar ei naturleg ramme, med 2020 som siste løyvingsår.

Vaksdal Kommune
Ved ordførar og Formannskap

Vaksdal Hagelag
v/ Ellen Hagen (leiar)
Botnavegen 27
5725 Vaksdal

Vaksdal 07.05.2020

Søknad om stønad til kamp mot brunsnegl

Vaksdal hagelag er eit lokallag under Norsk Hageselskap som har som mål å «*fremme hageglede, bærekraftig hagekultur og landskapspleie, samt grønne omgivelers positive helseeffekt for det enkelte menneske, familien og samfunnet*».

Vaksdal hagelag ønskjer også i år å delta i den nasjonale kampen mot brunsneglen, eit skadedyr som ikkje høyrer heim i vår naturlege fauna. Målet er å nytte Nemaslug i private hagar og fellesområde slik at brunsnigelen ikkje rekk å vekse seg stor og formeira seg. For å nå målet om tydelig reduksjon i bestand må ei gjenta behandling med Nemaslug over tre år. Dette vil vere tredje året Vaksdal hagelag skipar til felles aksjon mot skadedyret.

Vaksdal hagelag har vore i kontakt med den nasjonale importøren av Nemaslug som seier at produsenten av produktet har bytta distributør. Dette, saman med endra kronekurs og covid-19 krisa, så vil det bli ein prisauke på om lag 30 %. Tidlegare har vi søkt om, og fått innvilga kr 23 000, men på grunn av nemnte prisauke søker vi om kr 28 000 til formålet. Vi vil også i år gå saman med Stanghelle Vel og Dale Sentrumsforeining om innkjøp, pakking og distribusjon. Vi vil sjølvsgt ha utdeling i tråd med helsefaglege råd om hygiene og avstand.

Ei eventuell tildeling vil gå til innkjøp av Nemaslug og dekking av andre kostnader som frakt, utstyr til ompakking frå store posar til små porsjonsposar, annonsering og andre utgifter knytt til koordinering og gjennomføring. Målet vårt er at mest mogleg skal gå til innkjøp av Nemaslug, andre kostnader vert haldne på eit minimum.

Eigeninnsatsen i prosjektet er betydeleg. Eit overslag tyder på at vi kan kjøpe inn Nemaslug tilsvarande 480 porsjonspakkar. Dersom vi reknar 1 time med dugnadsarbeid per utdelte pakke tilsvarar dette 480 dugnadstimar. Vanleg sats for synleggjering av dugnadstimar er kr. 200,- per time. Denne eigenandelen kan difor kostnadsbereknast til kr. 96.000,- . I tillegg kjem minst 50 timar med med administrasjon og anna arbeid utført i dei lokale laga.

Aksjonen er planlagt gjennomført på følgjande måte:

- Felles bestilling av Nemaslug
- Felles informasjonsarbeid (oppslag, informasjonsskriv og eiga side på Facebook)
- Felles dato for gjennomføring

Vi ventar i spaning på å høyre frå dykk og vonar de ser med velvilje på søknaden

Venleg helsing

Ellen Hagen,
På vegne av Vaksdal hagelag,
og i samarbeid med Stanghelle vellag
og Dale sentrumsforening

Fra: Ellen Hagen <ellhagen74@gmail.com>
Sendt: fredag 8. mai 2020 10:39
Til: Hege Eide Vik
Emne: Fwd: Søknad om Nemaslug for utdeling
Vedlegg: søknad nemaslug 2020.docx

----- Forwarded message -----

Fra: **Ellen Hagen** <ellhagen74@gmail.com>
Date: tor. 7. mai 2020 kl. 19:14
Subject: Søknad om Nemaslug for utdeling
To: <hege.eide.vik@vaksdal.kommune.no>, <lin.tove.thommasen@vaksdal.kommune.no>, <atle.fasteland@vaksdal.kommune.no>

Hei, sender med dette ein søknad om midlar til utdeling av Nemaslug for tredje året på rad. Dette er å sjå som ein kur.

Meir i vedlagte brev.

Med venleg helsing

Ellen Hagen
leiar, Vaksdal hagelag